

四庫全書

集部

欽定四庫全書

唐僧弘秀集卷七

宋 李龔 編

齊己六十首

君子行

聖人不生麟龍何瑞梧桐不高鳳凰何止吾聞古之有
君子行藏以時進退求己榮必為天下榮恥必為天下
恥苟進不如此退不如此亦何必用虛偽之文章取榮

名而自美

風琴引

按

音蹉

吳絲雕楚竹高託天風拂為曲一一宮商在素空

鸞鳴鳳語翹梧桐夜深天碧松風多孤窓寒夢驚流波
愁覓傍枕不肯去翻疑住處隣湘娥金風聲盡薰風發
冷泛虛堂韻難歇常恐聽多耳漸繁清音不絕知音絕

夏雲曲

紅嵯峨爍晚波乖龍慵卧旱鬼多熾熾萬里壓天塹颺

雷驅電空閃閃好雨不雨風不風徒倚蒼穹作巖險男巫
女覲更走覓焚香祝天天不聞天若聞必能使爾為潤
澤洗埃氛而又變之成五色捧日輪將以表唐堯虞舜
之明君

祈真壇

玉甃瑤壇二三級學僊弟子參差入霓旌隊仗下不下
松檜森森天露溼殿前寒氣束香雲朝祈暮禱玄元君
茫茫俗骨醉更昏樓臺十二遙崑崙縱廣一萬二千里

中有五色雲霞五色水何當斷慾便飛去不要九轉神
丹換精髓

讀李白集

竭雲濤剗巨鰐搜括造化空牢牢冥心入海海神怖驪
龍不敢為珠主人間物像不供取飽飯遊神向玄圃鏘
金鏗玉千餘篇膾吞炙嚼人口傳須知一一丈夫氣不
是綺羅兒女言

觀李瓊處士畫海濤

巨鼉轉側長鱗翻狂濤顛浪高漫漫李瓊奪得造化本
都盧縮在秋毫端一揮一畫皆筋骨滉漾崩騰大鯨臬
葉樣僊槎擺欲沉下頭應是驪龍窟昔年曾夢涉蓬瀛
惟聞撼動珊瑚聲今來正歎陸沈久見君此畫思前程
千尋萬派功難測海門山小濤頭白令人錯認錢塘城
羅刹石底奔雷霆

湘妃廟

湘煙濛濛湘水急汀露凝紅裊蓮溼蒼梧雲疊九疑深

二女竄飛江上立相攜泣鳳蓋龍輿追不及廟荒松朽
啼飛猩笋鞭迸出堦基傾黃昏一片陰風起新月如眉
生澗水

昇天行

身不沈骨不重驅青鸞駕白鳳幢蓋飄搖入冷空天風
瑟瑟星河動瑤闕參差阿母家樓臺虛閉凝彤霞三五
僊子乘龍車堂前碾爛蟠桃花回頭却顧蓬山頂一點
濃嵐在深井

弔汨羅

落日倚闌干徘徊汨羅曲冤冤如可弔煙浪聲似哭我
欲考鼃鼃之心烹魚龍之腹爾既啖大夫之血食大夫之
肉千載之後猶斯藏伏將謂唐堯之尊還如荒醉之君
更有逐臣於焉葬冤得以縱其噬咨其吞

贈念法華經僧

念念念分入惡念念念念分入善難念經念佛能一般
愛河無處生波瀾言公少年眞法器白晝不出夜不睡

心心緣經口緣字一室寥寥燈照地沈檀卷軸寶函盛
蒼蘊香薰水精記空山木落古寺閒松頂鶴眠霜霰乾
牙根舌根冰滴寒珊瑚枝打紅琅玕但恐蓮花七朶一
時折朶朶似君心簇攢又恐風緊吹天花繽紛如雨飄
絮淩況聞此經甚微妙百千諸佛真秘要靈山說後始
傳來聞者雖多持者少更堪誦入陀羅尼

此云唐音梵
總持

音相襍時舜絃和雅薰風吹文王武王絃更悲如此爭
不遣空碧中有龍來聽有鬼來聽亦使人間聞者敬見

者敬自然虛空性清淨此經具體即毗盧

毗盧此云雪
種種光

嶺白牛君識無

行路難

行路難君好看驚波不在黥黥間小人心裏藏崩湍七
盤九折寒嶠崿翻車倒蓋猶堪出未似是非唇舌危暗
中潛毀平人骨君不見楚靈均千古沈寃湘水濱又不
見李太白一朝却作江南客

謝徽上人惠二龍障子

我見蘇州崑山金城中金城柱上有二龍老僧相傳道
是僧繇手尋常入海共龍鬪又聞蜀國玉局觀有孫遇
跡盤屈身長八十尺遊人爭看不敢近頭覷寒泉萬丈
碧近有五羊徽上人閒工小筆得意新畫龍不誇頭角
及鬚鱗只求筋骨與精神徽上人真藝者惠我雙龍不
言價等閒不敢將懸掛恐似葉公好假龍及見真龍却
驚怕

夏日草堂

沙泉帶草堂紙帳卷空牀靜是真消息吟非俗肺腸園
林坐清影梅杏嚼紅香誰住原西寺鐘聲送夕陽

早梅

萬木冬欲折孤根暖獨回前村深雪裏昨夜一枝開風
遞幽香出禽窺素艷來明年如應律先發映春臺

寄鏡湖方干處士

賀監舊山川空來近百年聞君與琴鶴終日在漁船島
露深秋石湖澄半夜天雲門幾回去題徧好林泉

昏

中

燈

莫

枕

飲

送人遊塞

槐柳野橋邊行塵暗馬前秋風來漢地客路入胡天雁
聚河流濁羊羣磧草羶那堪隴頭宿鄉夢逐潺湲

新秋雨後

夜雨洗河漢詩懷覺有靈籬聲新蟋蟀草影老蜻蜒靜
引閒機發涼吹遠思醒逍遙向誰說時註漆園經

送遷客

天涯卽愛州謫去莫多愁若似承恩寵何如佞主休瘴

風

遙

一

雨

今

月

銅柱黑草赤火山秋應想堯階下當時獬豸頭

經吳平觀

元齋醮後殘燼滿空壇老鶴心何待尊師髻已乾
幡古殿夜霜霰大椿寒誰見長生路人間事萬端

白髮

染亦莫鑷任從伊滿頭白雖無耐藥黑也不禁秋靜
睨蟬卧閒垂看水流浮生未達此多為爾為愁

秋興寄脩公

聲吹竹健涼氣著身輕誰有閒心去江邊看水行村
紅樹迴野闊白煙平試裂芭蕉片題詩問竺卿

送中觀進公歸巴陵

研破雙空持行大國中不知從此去何處挫邪宗畫
懋帆黑殘陽泊島紅應遊到澗岸相憶繞茶叢

贈曹松先輩

屐赴春闈達如夫子稀山中把卷去榜下注官歸楚
空前落江禽酒外飛閒遊向諸寺却看白麻衣

傷鄭谷郎中

鍾陵千首作筆絕亦身終知落干戈裏誰家煨燼中吟
齋春長蕨釣渚夜鳴鴻惆悵秋江月曾招我看同

題終南山隱者室

終南山北面直下是長安自掃青苔室間歌白石看風
吹牕樹老日曬竇雲乾時向圭峰宿僧房瀑布寒

經費徵君舊居

高眠當聖代雲鳥未為孤天子徵不起閒人親得無猿

猱狂欲墜水石怪難圖寂寞荒齋外杉松相倚枯

原上晚望

倚杖聊攄望寒原遠近分夜來何處火燒出古人墳野
勢盤空澤江流合暮雲殘陽催百鳥各自看栖羣

聞貫休下世

吾師詩匠者眞箇碧雲流爭得梁太子更為文選樓錦
江新塚樹婆女舊山秋欲去焚香禮啼猿峽阻修

山寺喜道者至

閏年春過後山寺始花開還有無心者閒尋此日來
爲幽聲忽斷茶好味重回知住南巖久冥心坐綠苔

已卯歲值凍阻歸有作

河冰連地凍朔氣壓春寒閉戶思歸遠出門移步難
湖雲粘雁重廟樹括風乾坐看孤燈焰微微向曉殘

寄懷江西僧達禪弟

長憶舊山日與君同聚沙未能精貝葉便學咏楊花
苦甚傷心骨清還切齒牙何妨繼餘習

菩薩修行
餘習未盡

前世是

詩家

過陳陶處士舊居

一室貯琴樽詩皆大雅言
夜過秋竹寺醉打老僧門
遠燒來籬下寒蔬簇石根
閒庭除鶴跡半是杖頭痕

春興

柳暖鶯多語花明草盡長
風流在詩句牽率繞池塘
叫切禽名字飛狂蝶姓莊
時來真可惜自勉掇蘭芳

過商山

疊疊疊嵐寒紅塵裏盤前程有名利此路莫艱難雲
木侵天老輪蹄到月殘何能尋四皓過盡見長安

贈無本上人

往年吟月社因亂散揚州未是無端事何妨出世遊洞
庭禪過臘衡嶽坐經秋終說將衣鉢天台老去休

題真州精舍

波心精舍好那岸是繁華礙目無高樹當門即遠沙晨
齋來海客夜磬到漁家石鼎秋濤靜禪回有嶽茶

謝人惠藥

五金元造化九鍊更精新
敢謂長生客將遺必死人
久餐應換骨一服已通神
終遂淮王去永拋浮世塵

秋夜聽業上人彈琴

萬物都寂寂堪聞彈正聲
人心盡如此天下自和平
湘水瀉秋碧古風吹太清
往年廬嶽奏今夕更分明

中春愴懷寄二三知己

眼暗心還白逢春強凭欄
因聞積夜雨却憶舊山寒
竹

撼煙叢滑花燒露朶乾故人相會處應話此衰殘

聞落葉

楚樹霜晴後蕭蕭落晚風因思故國夜流水幾株空煮茗燒乾脆行苔踏爛紅來年未離此還見琥珀叢叢

逢詩僧

禪玄無可示詩妙有何評五七字中苦百千年後清難求方至理不朽始為名珍重重相見忘機話此情

送人南遊

且聽吟贈遠君此去蒙州瘴國頻聞說邊鴻亦不遊蠻
花藏孔雀野石隱犀牛到彼誰相慰知音有郡侯

謝虛中上人晚秋見寄

楚外同文在荆門得信時幾重相別意一首晚秋詩日
暮山沈雨蓮殘水滿池登樓試南望為子動歸思

聽泉

落石幾萬仞遠聲飄冷空高秋初雨後半夜亂山中只
有照壁月更無吹葉風省曾廬嶽聽到曉與僧同

弔杜工部墳

鵬翅蹋於斯明君知不知域中詩價大荒外土墳卑瘴
雨無時滴蠻風有穴吹惟應李太白精魄往來疲

寄廬嶽僧

一聞飛錫別區中深入西南瀑布峰天際雪埋千片石
洞前冰折幾株松煙霞明媚栖心地苔蘚縈紆出世踪
莫問江邊舊居寺火燒兵劫斷秋鐘

送泰禪師歸南嶽

石龕閒鎖白雲邊
歸去途程半在船
林簇曉霜離水寺
路穿新燒入山泉
已尋嵐壁臨空盡
却看星辰向地懸
有興寄題紅葉上
不妨收拾別為編

荊州貫休大師舊房

疎簷抽笋柳垂陰
舊是休公種此吟
入貢文儒來請益
出官卿相駐過尋
右軍書畫神傳髓
康樂文章夢授心
消得青城千嶂下
白蓮標塔帝恩深

韶陽微公

曲江晴影石千株
吾子思歸夢斷初
有信北來山疊疊
無言南去雨疎疎
祖師門接園林路
丞相家同井邑居
閒野老身留得否
相招多是秀才書

蚤鶯

何處經年絕好音
煖風催出嚀喬林
羽毛新刷陶潛菊
喉舌初調叔夜琴
藏雨並棲紅杏密
避人雙入綠楊深
曉來枝上千般語
應共桃花說舊心

寄萍鄉唐稟正字

新詩聲價滿皇都高卧林中更起無春興酒香薰肺腑
夜吟雲氣濕髭鬚同登水閣僧皆別共上漁船鶴亦孤
長憶前年送行處洞門殘日照菖蒲

送李才歸湘中

詞客攜文訪病夫因吟送別憶湘湖寒消浦溆催鴻雁
煖入溪山養鷓鴣僧向月中尋嶽麓雲從城上去蒼梧
君歸為問峰前寺舊住松房鎖在無

聞尚顏上人初居有寄

麓山南面橘州西別構新齋與竹齊野客已聞將鶴贈
江僧未說有詩題牕臨香靄雲千嶂枕遍潺湲月一溪
可想乍移吟榻處松陰冷濕壁新泥

遣懷

詩病相兼老病深世醫徒更費千金餘生豈必處拋擲
未死何妨樂咏吟流水不回休歎息白雲無迹莫追尋
閒身自有閒消處黃葉清風蟬一林

送人入蜀

何必閒吟蜀道難知君心出險巇間尋常秋泛江陵去
容易春浮錦水還兩面碧懸神女峽幾重青出丈人山
文君酒市逢初雪滿貫新沽洗旅顏

寄南嶽泰禪師

江頭默想坐禪峰白石山前萬丈空山下獵人應不到
雪深花鹿在庵中

寄清溪道者

萬重千疊紅霞嶂夜燭朝香白石龕常記溪牕凭危檻

看經影落古龍潭

貽九華上人

一法傳聞繼老能
九華間卧最高層
秋鐘盡後殘陽暝
門掩松邊雨夜燈

謝猿皮

貴向獵師家買得
攜來乞與坐禪床
不知嘯月秋潭畔
曾對何人啼斷腸

酬光上人

禪言難後到詩言坐石心同立月竄應記前秋會吟處
五更猶立老松根

無本四首

馬嵬

長川幾處樹青青孤驛危樓對翠屏
一自武皇惆悵後至今來往馬蹄腥

行次漢上

習家池沼草萋萋嵐樹光中信馬蹄
漢主廟前湘水碧


一聲風角夕陽低

尋隱者不遇

松下問童子言師採藥去只在此山中雲深不知處

寄友

聞說到揚州吹簫有舊遊人來多不見莫是上迷樓



唐僧弘秀集卷七

欽定四庫全書

集部

唐僧弘秀集卷八

十至

詳校官中書_臣張姚成

助教_臣常循覆勘

總校官編修_臣王燕緒

校對官典簿_臣郭祚熾

謄錄監生_臣王肇濬

欽定四庫全書

唐僧弘秀集卷八

宋 李龔 編

修睦十二首

秋日閒居

是事不相關誰人似此閒
捲簾當白晝移榻對青山
野鶴眠松上秋苔長雨間
嶽僧頻有信昨日得書還

宿岳陽開元寺

竟夕憑虛檻何當興歎頻往來人自老今古月長新風
逆沈漁唱松疎露鶴身無眠鐘又動幾客在迷津

送邊將

人盡有離別而君獨可嗟言將身報國敢望祿榮家戰
思風吹野鄉心月照沙歸期定何日塞北樹無花

雪中送人北遊

然知心去速其奈雪飛頻莫喜無危道雖平更陷人遠
郊光接漢曠野色通秦此去迢遙極却回應過春

落葉

雨過閒田地重重落盡紅
翻思向春日肯信有秋風
幾處隨流水河邊亂暮空
祇應松自立而不與君同

落花

一片又一片等閒苔面紅
不能延數日開亦是春風公
子歌聲歇詩人眼界空
遙思故山下經雨兩三叢

題田道者院

入門空寂寂真箇出家兒
有行鬼不見無心人謂癡古

巖寒栢對流水落花隨欲別一何嬾相從所恨遲

東林寺

欲去不忍去徘徊吟繞廊水光秋澹蕩僧好語尋常碑
古苔文疊山晴鐘韻長翻思南嶽上欠此白蓮香

寄貫休上人

常語亦關詩常流安得知楚郊來未久吳地住多時立
月無人近歸林有鶴隨所居渾不遠相識偶然遲

喜僧友到

十年消息斷空使夢煙蘿嵩嶽幾時下洞庭何日過瓶
乾離澗久衲壞卧雲多意欲相留住遊方肯舍麼

懷虛中上人

簷雨滴更殘思君安未安湘川聞不遠道路去尋難吟
髻霜應蝕禪衣雪漸寒倚松因獨立一鳥下江干

簡寂觀

正同高士卧煙霞思著閒忙又是嗟碧岫觀中人似鶴
紅塵路上事如麻石肥滯雨添蒼蘚松老涵風落翠花

莫道此間無我分遺民長在惠持家

無悶二首

暮春送人

折柳亭邊手重攜江煙澹澹草萋萋杜鵑不顧離人意
更向落花枝上啼

寒林石屏

草堂無物件身閒惟有屏風枕簟間本向他山求得石
却于石上看他山

太易一首

贈司空拾遺

侍臣何事辭雲陛江上微吟見雪花
望闕未承丹鳳詔閉門空對楚人家
陳琳草奏才還在王粲登樓興尚賒
高館更容塵外客仍令歸路奉瑤華

景雲三首

老僧

日照西山雪老僧門始開凍瓶粘柱礎
宿火陷爐灰童子

子病歸去鹿麋寒入來齋鐘知漸近飯鳥下生臺

施食
臺謂

出生

臺

谿叟

谿翁居處靜谿鳥入門飛早起釣魚去夜深乘月歸露
香菰米熟煙煖荇絲肥瀟灑塵埃外扁舟一草衣

畫松

畫松一似真松樹且待尋思記得無曾在天台山上見
石橋南畔第三株

法振十一首

振一作震

病愈寄友

哀樂暗成疾，卧中芳月移。
西山有清士，孤嘯不可追。
搗藥書林靜，汲泉陰澗遲。
微蹤與麋鹿，遠謝求羊知。

送韓侍御自使幕巡海北

微雨過山夜，洗兵繡衣遙。
拂海風清幕，中軍策心應。
苦馬上題詩卷，已成離亭不。
惜花源醉，古道猶看蔓草生。
因說元戎能破敵，高歌一曲隴關情。

送常大夫赴朔方

關山今不掩軍候鳥先知大漢嫖姚入烏孫部曲隨高旌天外駐寒角月中吹歸到長安第花應再滿枝

送人遊閩越

不須行借問為爾話閩中海島陰晴日江帆來去風道遊玄度宅身寄朗陵公此別何傷遠如今關塞通

越中贈程先生

紗帽度殘春虛舟寄一身溪邊逢越女花裏問秦人古

塞連山靜陰霞落海新有時城郭去暗與酒家親

題萬山許鍊師

道成人不識流水響空山花暗軒牕外雲生坐卧間
圖名已久絕粒事長閒更欲崑崙去羞看絳節還

丹陽浦送客之海上

不到終南向幾秋移居更欲近滄洲風吹雨色連村暗
潮擁菱花出岸浮漠漠望中春自艷寥寥泊處夜堪愁
如君豈得空高枕只益天書遣遠求

別盧使君歸故柵村

歸風白馬引嘶聲落日猶看楚客情
塞口竹緣空戍沒潮頭沙擁慢岡成
松田且欲親耕種郡守何偏問姓名
東道宿程投故柵依依漁父解相迎

送褚先生海上尋封鍊師

潮落風初定天吳避客舟
近承三殿旨欲向五湖遊
不厭烏皮几新縫鶴氅裘
明珠漂斷岸陰火映中流
華蓋芝童引神丹桂女收懸知居縹緲因為識浮丘

月夜泛舟

西塞長雲盡南湖片月斜
漾舟人不見卧入武陵花

送友人之上都

玉帛徵賢楚客稀猿啼相送武陵歸
湖頭望入桃花去一片春帆帶雨飛

栖白十四首

送圓仁三藏歸本國

家山臨晚日海路信歸橈
樹滅渾無岸風生只有潮
歲

窮程未盡天末國仍遙已入閩王夢香花境外邀

贈李溟秀才

南居古廟深高樹宿山禽明月上清漢騷人動楚吟數
篇正始韻一片補亡心孤峭欺何謝雲波不可尋

八月十五夜翫月

尋常三五夕不是不嬋娟及至中秋滿還勝別夜圓清
光凝有露皓魄爽無煙自古皆如此年來又一年

送禪師宗極歸玉峯

背郭去歸宿頭陀意頗濃鶴爭栖遠樹猿鬪上孤峰夜
戍經霜月秋城過雨鐘由來無定止何處訪高蹤

尋山僧真勝上人不過

松下禪栖所苔滋徑莫分青山春暮見流水夜深聞不
坐看山石應隨出定雲猿狖非可囹巖谷日空曛

邊思

西北黃雲暮聲聲畫角愁陰山一夜雨白草四郊秋亂
雁鳴寒渡飛沙入廢樓何時番色盡此地見芳洲

送王鍊師歸嵩嶽

飄然綠毛節杳在洛城端
隔水見秋嶽兼霜掃石壇
一溪松色古半夜鶴聲寒
迴與人寰別勞生不可觀

送石秀才

正是歎羈遊知音拜楚侯
何須辭遠道自可樂扁舟
倚棹江洲雨聞猿島嶼秋
謝家山水興終日待詩流

寄南山景禪師

一度林前見遠公
靜聞真語世情空
至今寂寞禪心在

任起桃花柳絮風

月夜懷劉秀才

獨夜相思但自勞
阮生吟罷夢雲濤
此時小定未禪寂
古塔月中松磬高

哭劉得仁

為愛詩名吟至死
風竄雪魄去難招
直須桂子落墳上
生得一枝冤始銷

經廢宮

終日河聲咽暮空煙愁此地晝濛濛錦帆東去沙侵苑
玉輦西來樹蒲宮魯客望津天欲雪朔鴻離岸葦生風
那堪獨立思前事回首殘陽雉堞紅

贈識古法師

重城深寺講初休却憶家山訪舊遊對月與君相送夜
聞蛩教我獨驚秋雲心杳杳難為別鶴性蕭蕭不可留
遙想孤舟清渭上飄然帆影起離愁

壽昌節賦得紅雲表夏日

景候融融陰氣潛如峯雲共火相兼霞光捧日登天上
丹彩乘風入殿簷行逐赤龍千歲出明當朱夏萬方瞻
微臣多幸逢佳節得賦殊祥近御簾

隱巒四首

牧童

牧童見人俱不會盡著芒鞋戴筠笠朝陽未出衆山晴
露滴蓑衣猶半濕二月三月時平原草初綠三箇五箇
騎羸牛前村後村來放牧笛聲纔一舉衆稚齊歌舞看

看白日向西斜各自騎牛又歸去

蜀中送人遊廬山

君遊正值芳春月蜀道千山皆秀發溪邊十里五里花
雲外三峯兩峯雪君上匡山我舊居松蘿拋擲十年餘
君行試到山前問山鳥只今相憶無

琴

七條絲上寄深意澗水松風生十指自乃知音猶尚稀
欲教更入何人耳

浮橋

橫壓驚波防沒溺當初元勑是軍機行人到此全無滯
一片江雲踏欲飛

處默六首

憶廬山舊居

麤衣糲食老煙霞免抱衰顏惜歲華獨鶴祇為山客伴
閒雲長在野僧家叢生嫩蕨粘松粉自落乾薪帶蘚花
明月清風舊相得十年歸恨可能賒

題栖霞寺僧房

名山不取買山錢，任構花宮近碧巔。
松檜老依雲裏寺，樓臺深鎖洞中天。
風經險嶂回疎雨，石倚危屏掛落泉。
欲結茅庵體師住，肯饒多少薜蘿煙。

題聖果寺

路自中峯上盤回，出薜蘿到江吳地。
盡隔岸越山多古木，叢青靄遙天浸白波。
下方城郭近鐘磬，雜笙歌。

送僧遊西域

一盂兼一錫，祇此度流沙。
野性雖為客，禪心即是家。
寺投雲嶠雪，路入曉天霞。
自說遊諸國，回應歲月賒。

遠煙

靄靄前山上，凝光滿薜蘿。
高風吹不盡，遠樹得偏多。
翠與晴雲合，輕將淑氣和。
正堪流野目，朱閣意如何。

山中作

席簾高卷枕，高歌門掩垂。
蘿蘿蘸碧溪，間把史書眠。
一覺起來山日過，松西

唐僧弘秀集卷八

欽定四庫全書

唐僧弘秀集卷九

宋 李龔 編

卿雲四首

長安言懷寄沈彬侍郎

故園梨嶺下歸路接天涯
生作長安草勝為邊地花
雁南飛不到書北寄來賒
堪羨神仙客青雲早致家

秋日江居閒詠

寄居江島邊閒詠幾秋殘草白牛羊瘦風高猿鳥寒檢
方醫故疾挑薺備中餐時復停書卷鉏莎種木蘭

送人遊塞

去去玉關路省君曾未行塞深多伏寇時靜亦屯兵雪
每先秋降花常近夏生閒陪射鵬將應到受降城

舊國里

舊居梨嶺下風景近炎方地暖生春早家貧覺歲長石
房雲過溼杉徑雨餘香日夕竟無事詩書聊自強

栖一二首

垓下懷古

緬想咸陽事可嗟
楚歌哀怨思無涯
八千子弟歸何處
萬里鴻溝屬漢家
弓指陣前爭日月
血流垓下定龍蛇
拔山力盡烏江水
今古悠悠空浪花

武昌懷古

戰國城池盡悄然
昔人遺迹遍山川
笙歌罷歇幾多日
臺榭荒涼七百年
蟬響夕陽風滿樹
雁橫秋島雨漫天

堪嗟世事如流水空見蘆花一釣船

澹交二首

病後作

未得亡身法此身終未安
病腸猶可洗瘦骨不勝寒
藥少心情餌經無氣力看
悠悠片雲質獨對夕陽殘

寫真

圖形期自見自見却傷神
已是夢中夢更逢身外身
水花凝幻質墨彩聚空塵
堪笑子蕙爾俱為未了人

良又一首

答盧善

風泉祇向夢中聞
身外無餘可寄君
當戶一輪惟曉月
掛簷數片是秋雲

若虛二首

樂真觀

樂氏騎龍上碧天
東吳遺宅尚依然
悟來大道無多事
眞後丹丸不直錢
老樹夜風蟲咬葉
古壇春雨蘚生氈

松傾鶴死桑田變華表歸鄉未有年

懷廬山舊隱

九疊嵯峨倚著天
悔隨寒瀑下巖煙
深秋猿鳥來心上
夜靜松杉到眼前
書架想遭苔蘚裏
石牕應被薜蘿纏
一枝筇竹遊江北
不見爐峰二十年

雲表一首

寒食日

寒食悲看郭外春
野田無處不傷神
平原壘壘添新塚

半是去年來哭人

曇域二首

宿鄭諫議山居

堂開星斗邊大諫探薇還禽隱石中樹月生池上山涼
風吹詠思幽語隔禪關莫擬歸城計終妨此地閒

懷齊已

鬢髯秋景兩蒼蒼靜對茅齋一炷香病後身心俱澹泊
老來朋友半凋傷我媚山色侵雲直巫峽灘聲入夜長

猶喜深交有支遁時時音信到松房

子蘭十四首

短歌行

日月何忙忙出沒住不得使我勇壯心少年如項刻人
生石火光通時少於塞四季倏徃來寒暑變為賊偷人
面上花奪人頭上黑

飲馬長城窟

游客長城下飲馬長城窟馬嘶聞水腥為浸征人骨豈

不是流泉終不成潺湲洗盡骨上土不洗骨中冤骨若
比流水四海有還冤空流鳴咽聲聲中疑是言

夜直

大內隔重墻多聞樂未央燈明宮樹色茶煮禁泉香鳳
輦通門靜雞歌入漏長宴榮陪御席話密近龍章吟步
彤庭月眠分玉署涼欲粘朱紱重頻草白麻忙筆力將
羣吏人情在致唐萬方瞻仰處晨夕面吾皇

蟬

獨蟬初唱古槐枝委曲悲涼斷續遲雨後忽聞誰最苦
異鄉孤館憶家時

登樓

邊邑鴻聲一例秋大波平日遶山流故人千里同明月
盡夕無言空倚樓

長安早春

風舞槐花落御溝終南山色入城秋門門走馬徵兵急
公子笙歌醉玉樓

對雪

密密無聲墜碧空
霏霏有韻舞微風
幽人吟望搜辭處
飄入牕來落硯中

太平里尋兵部裴郎中

不語淒涼無限情
荒階行盡又重行
昔年住此人何在
空見槐花秋草生

寄乾陵楊侍郎

冷落官資不畏貧
司曹且共內官分
步量野色成公案

點檢樵聲入奏聞陵廟路因朝去掃御爐香每夜來焚
碑寒樹古神門上管得無窮空白雲

登樓憶友

物象遠濛濛周迴極望中帶煙千井樹和磬一樓風月
色寒沉地波聲夜颺空登臨無限趣恨不與君同

華嚴寺望樊川

萬木葉初紅人家樹色中疎鐘搖雨脚積水浸雲容雪
磧回寒雁村燈促夜春舊山歸未得生計欲何從

與道侶同於水陸寺會宿

論道窮心少有朋此時清話昔年曾
柿凋紅葉鋪寒井
鵲墜霜毛著定僧
風遞遠聲秋澗水
竹穿深色夜房燈
出門盡是勞生者
只此長閒幾箇能

城上吟

古塚密於草新墳侵官道城外無閒地城中人又老

襄陽曲

為憶南遊人移家大堤住千帆萬帆來過盡門前去

僧鸞二首

苦熱行

燭龍銜火飛天地平陸無風海波沸彤雲疊疊聳奇峰
焰焰流光熱疑翠煙島搏鵬鵬雙翅義和赫怒強總轡
飲流夸父斃長途始見當中印王字明明夜西朝又東
古來有道仍再中扶桑老葉蔽不得輝華直欲凌蒼空
行人揮汗翻成雨口燥喉乾隘塵土西郊雲色晝冥冥
如何不救生靈苦何山怪木藏蛟龍縮鱗卷鬣為乖慵

不發滂澤注天下欲使風雷何所從
旱苗原上枯成焰
獄靈徒祝無神驗
豪家簾外喚清風水紋明角鋪長簾
玉扇畫堂凝夜秋歌艷繞梁催暮愁
陽烏落盡酒不醒
扶上西園當月樓
廢田暍死非吾屬
庫有黃金倉有粟

贈李粲秀才

字輝用

隴西輝用真才子搜竒探險無倫比
筆下銛磨巨闕鋒
胸中靜灑西江水哀絃古樂清人耳
月露激寒哭秋鬼
苔地無塵到曉吟
杉松老葉風乾起
十軸示余三百篇

金碧爛光燒蜀牋雄芒逸氣測不得使我躑躅成狂顛
大郊遠闊空無邊凝明淡綠收餘煙曠懷相對景何限
落日亂岑青倚天又驚大舶帆高懸行濤劈浪凌飛仙
回首瞥見五千仞撲下香爐瀑布泉何事古人誇八斗
焉敢今朝定妍醜颯風驅雷暫不停始向場中稱大手
駿如健鶻鶚與鵬拏雲獵野翻重霄狐狸竄伏不敢動
却下雙鳴當迅飈愁如湘靈哭湘浦咽咽哀音隔雲霧
九嶷深翠轉巍峩仙骨寒消不知處清同野客敲越甌

丁當急響涵清秋，鸞雛相引叫未定。
霜結夜闌仍在樓，高若太空露雲物。
片白激青皆彷彿，仙鶴閒從淨碧飛。
巨鼇頭戴蓬萊出，前輩歌詩惟翰林。
神仙老格何高深，鞭馳造化繞筆轉。
燦爛不為酸苦吟，夢乘明月清沉沉。
飛到天台天姥岑，傾湖湧海數百字。
字字不朽長縱金，此日多君可儔侶。
堆珠疊璣滿玄圃，終日並轡遊崑崙。
十二樓中宴王母。

懷楚二首

謝友人見訪留詩

軒車誰肯到泉石自相親暮雨凋殘寺秋風悵望人庭
新一片葉衣故十年塵賴有瑤華贈清吟愈病身

送新平故人

常聽倉庚思舊友又因蝴蝶夢生涯一千餘里河連郭
三十六峯寒到家陰島宜分東甬雁晴樓高入上陽鴉
姜嫄廟北與君別應笑薄寒悲落花

惠標四首

賦山

靈山蘊麗名秀出寫蓬瀛香爐帶煙上紫蓋入霞生霧
卷蓮峰碧巖開石鏡明定知丘壑裏併佇白雲情

又

峩嵒信重險天目本仙居金華抱丹竈玉笥蘊神書幽
人披薜荔怨妾採靡蕪紫岩無暮雨何時送故夫

咏水

曾添疎勒井經湧貳師營玉津花色亮銀溪錦磧明舟

如空裏泛人似鏡中行持將符上善利物動高情

又

長川落日照深浦漾清風弱柳垂江翠新蓮夾岸紅船
行疑泛迴月映似沉空願逐琴高戲乘魚入浪中

可朋一首

桐花鳥

五色毛衣比鳳雛花深叢裏祇如無美人買得偏憐惜
移向金釵重幾銖

懷浦二首

贈智舟三藏

壯歲心難伏師心伏豈難尋常獨在院行坐不離壇嶽
雪當禪暝松風入呪寒更因文字外多把史書看

初冬旅舍蚤懷

枕上角聲微離情未息機夢回三楚寺寒入五更衣月
沒棲禽動霜晴凍葉飛自慚行役早深與道相違

慕幽四首

酬友人見寄

家國各萬里同吟六七年
可堪隨北雁迢遞向南天水
共行人遠山將落日連春
淮有雙鯉莫忘尺書傳

冬日淮上別文上人

勞歌好自看終久偶齊桓
五字若教易一名爭得難侵
牕紅樹老蔭砌雪花殘
莫效齊僚屬東歸翦釣竿

柳

今古憑君一贈行
幾回折盡復重生
五株斜傍淵明宅

千樹低垂太尉營
臨水帶煙藏翡翠
倚風兼雨宿流鶯
隋皇堤畔依依在
曾惹當時歌吹聲

三峽聞猿

誰向茲來不恨生
聲聲都是斷腸聲
七千里外一家住
十二峰前獨自行
瘴雨晚藏神女廟
蠻煙寒鎖夜郎城
憑君且莫哀吟好
會待青雲道路平

善生四首

送玉禪師

飄然無定迹迴與律乘違入郭隨緣住思山破夏歸

夏過

不終謂之破夏

孟擎數家飯衲乞幾人衣洞了曹溪旨寧輸俗

者機

送智光之南值雨

結束衣囊了炎州定去遊草堂方惜別山雨為相留又
得一宵話免生千里愁莫辭重卜日後會必經秋

旅中答喻軍事問客情

一自遊他國相逢少故人縱然為客樂爭似在家貧畜

恨霜侵髻搜詩病入神若非憐片善誰肯問風塵

贈盧逸人

高眠巖野間至藝敵應難詩苦無多首藥靈惟一丸引
泉魚落釜攀果露沾冠已得嵇康趣逢迎事每闌

亞栖二首

對御書後一絕

通神筆法得玄門親入長安謁至尊莫怪出來多意氣
草書曾悅聖明君

題英禪師

將知德行異尋常每見持經在道場
欲識用心精潔處
一餅秋水一罍香

唐僧弘秀集卷九

欽定四庫全書

唐僧弘秀集卷十

宋 李龔 編

尚顏十八首

寄華陰司空侍郎

劍佩已深局茅為嶽面亭詩猶少綺美畫肯愛丹青換
筆修僧史焚香閱道經相邀來未得但想鶴儀形

送劉必先

金
卷十
力進憑詩業心焦闕問安遠行無處易孤立本來難楚
月船中沒秦星馬上殘明年有公道更以命推看

送獨孤處士

萬里去非忙惟攜貯藥囊山家消夜景酒肆過年光立
鶴洲侵浪喧蟲壁近床誰人臨上路乞得變髭方

紫閣隱者

天高紫閣侵隱者信沉沉道長年兼長雲深草復深如
非禪客見即是獵人尋北笑長安道埃塵古到今

匡山居

無才加性拙道理合藏蹤是處非深遠其山已萬重經
時隣境戰獨夜隔雲春昨日泉中見常魚亦化龍

夷陵即事

不難饒白髮相續是灘波避世嫌身晚思家乞夢多暑
衣經雪著凍硯向陽呵豈謂臨岐路還聞聖主過

與王嵩隱

一生吟興僻方見業精微事若終難得鄉應不易歸亂

收西日葉雙掩北風扉合國諸卿相皆曾著布衣

江上秋思

到來江上久誰念旅遊心故國無秋信隣家有夜砧坐
遙翻不睡愁極却成吟即恐髭連鬢還為白所侵

冬暮送人

長安冬欲盡又送一遺賢醉後情渾可言休理不然射
衣秦嶺雪搖月漢江船亦過春兼夏回期信有蟬

送徐道人東遊

長安人擾擾獨自有閒心海上山中去風前月下吟引
猿秋果熟藏鶴曉雲深易姓更名數難教弟子尋

與陳陶處士

鍾陵城外住喻似玉沉泥道直貧嫌殺神清語亦低雪
深加酒債春盡減詩題憶昔曾邀宿山茶獨自攜

自紀

諸機忘盡未忘詩似向詩中有所依遠境等閒支枕覓
空山容易杖藜歸清猿一一居林叫白鳥雙雙避釣飛

欲畫淨名居士像焚香願見陸探微

寄荊門鄭準

傳衣傳鉢理難論綺靡銷磨二雅尊
不許姓名留月觀終攜瓶錫去雲門
牕間掛燭通宵在竹上題詩隔歲存
珍重荊州鄭從事十年同受景升恩

懷智栖上人

臨水登山自有期不同遊子暮何之
閒眠默坐身堪賞已去還來事可知
林鳥隔雲飛一餉草蟲和雨叫多時

思君最易令人老倚檻空吟所寄詩

將欲再遊荆渚留辭岐下司徒

竹錫銅瓶配衲衣殷公樓畔偶然離白蓮幾看從開日
明月長吟到落時活計本無桑柘潤疎慵尋有水雲資
今朝回去精神別為得頭廳宰相詩

峽中酬荆南鄭準

山齋西向蜀江濱四載安居復有羣風雁勢高猶可見
雪猿聲苦不堪聞新詩寫出難勝寶破衲披行却類雲

每喜沂流賓客說元瑜刀筆潤雄軍

贈村公

紬衣木突此鄉尊白盡鬚眉眼未昏
醉舞神筵隨鼓笛閒歌聖代和兒孫
黍苗一頃垂秋日茅棟三間映古原
也笑長安名利處紅塵半是馬蹄翻

秋夜吟

梧桐雨畔夜愁吟抖擻衣裾蘚色侵
枉道一生無繫著湘南山水別人尋

栖蟾十首

短歌行

蟬聲催菊笑浮世懶思量身得幾時活眼開終日忙千
門無壽藥一鏡有愁霜早晚雲泥外光陰任短長

放歌行

諫頻甘得罪一騎入南深若順吾皇意即無臣子心
花蠻市布擣月象州砧蒙雪知何日凭樓望北吟

宿巴江

江聲五千里瀉碧急於絃不覺日又夜爭教人少年一
汀巫峽月兩岸子規天山影似相伴濃遮到曉船

遊邊

邊雲四顧濃飢馬嗅枯叢萬里八九月一身西北風偷
營天正黑戰地雪多紅昨夜東歸夢桃花煖色中

贈南嶽玄泰禪師

曹溪入室人終老甚難羣四十餘年內青山與白雲松
和巢鶴看果共野猿分海外僧來說名高自小聞

讀齊已上人集

詩為儒者禪此格的惟仙古雅如周頌清和甚舜絃冰
生聽瀑句香發早梅篇想得吟成夜文星照楚天

居南嶽懷沈彬

石房開竹扉茗外獨支頤萬木還無葉百年能幾時隔
雲聞犬過截雨見虹垂因憶嶽南客晏眠吟好詩

寄問政山聶威儀

先生卧碧岑諸祖是知音得道無一法孤雲同寸心嵐

光薰鶴詔茶味敵人參若向壺中去他年許我尋

南中懷友生

荔枝江下立望北幾思量隔海無書劄前年到漢陽瘴
村人起早銅柱象揩光居此成何事尋君過碧湘

除夜

九冬三十夜寒與暖分開坐到四更後身添一歲來魚
燈延臘火獸炭化春灰青帝今應老迎新見幾回

舊刻尚顏夷陵卽事詩後半首誤在栖霞讀

齊已集題後而栖蟾讀齊已集詩誤作尚顏自
紀

理瑩一首

送戴三徵君還谷口舊居

巖穴多遺秀，弓車屢遠招。
周王尊渭叟，潁客傲唐堯。
出處天波洽，關河地勢遙。
瞻星吳郡夜，作霧華山朝。
清論虛重席，門居掛一瓢。
漁歌思坐酌，宸渥寵行輶。
春為荷裳暖，霜因葛履消。
層崖懸瀑溜，萬壑振清飈。
谷鳥還遷

木場駒正食苗謝安何日起台鼎佇君調

歸仁六首

自遣

日日為詩苦誰論春與秋一聯如得意萬事總忘憂
雨墮花臨砌風吹竹近樓不吟頭也白任白此生頭

酬沈顏先輩卷

一百八十首清泠韻可敲任從人不愛終是我難拋
桂魄吟來滿蒲團坐得凹先生聲價在寰宇幾人抄

題賈島吟詩臺

此臺如可廢此恨有誰平縱使迷青草終難沒舊名天
悲朝雨色嶽哭夜猿聲不是心偏苦應關自古情

題楚廟

羞容難更返江東誰問從來百戰功天地有心歸道德
山河無力為英雄蘆花尚認霜戈白海日猶思火陣紅
也是男兒成敗事不須惆悵對西風

牡丹

三春堪愛牡丹奇，半倚朱欄欲綻時。
天下更無花勝此，人間偏得貴相宜。
偷香黑蟻斜穿葉，覷蕊黃蜂倒掛枝。
除却解禪心不動，算應狂殺五陵兒。

悼羅隱

一著讒書未快心，幾抽胸臆縱狂吟。
管中窺豹我猶在，海上釣鰲君也沉。
歲月盡能消憤懣，雲區那更有知音。
長安冠蓋皆塗地，仍喜先生葬碧岑。

玄寶一首

路

南北東西去茫茫萬古塵關河無盡處風雪有行人險
極山通蜀平多地入秦營營名利者來往豈辭頻

虛中九首

贈秀才

筠陽多勝致夫子縱遊遨鳳鳥瑞不見鱸魚價轉高
開沙背靜船繫樹根牢誰解伊人趣村沽對鬱陶

送遷客

倏忽墮鵷行天南去路長片言曾不諂獲罪亦何傷象
戀藏牙浦人貧賣子鄉此心終合雪去已莫思量

石城金谷

晉祚一傾摧驕奢去不回只應荊棘地猶作綺羅灰狐
兔間生長樵蘇靜往來踟躕意無盡寒日又西隕

庾樓

郡樓名甚遠幾換見樓人庾亮竟應在清風到白蘋晴
軒分楚漢夜酒揖星辰何必匡山上獨言無世塵

哭悼朝賢

前昨回私第旋聞寢疾終四隣方響絕二月牡丹空塚
已遷名境碑仍待至公祇應遺愛理長在楚南風

寄華山司空圖二首

門徑放莎垂往來投刺稀有時開御札特地掛朝衣
信僧傳去仙香鶴帶歸他年二南化無復更衰微

其二

逍遙短褐成一劒動精靈白晝夢仙島清晨禮道經
黍

苗侵野徑桑堪污閒庭肯要為隣者西南太華青

悼方干處士

先生在世日祇向鏡湖居明主未巡狩白頭閒釣魚煙
莎一徑小洲島四隣疎獨有為儒者時來弔舊廬

贈栖蟾上人

巖房高且靜住此幾寒暄鹿嗅安禪石猿啼乞食村朝
陽生樹罅古路透雲根獨我閒相覓淒涼碧洞門

惠侶一首

聽獨杵擣衣

非是無人助意欲自鳴砧向月憐孤影承風送迴音疑
擣雙絲練似奏一絃琴令君聞獨杵知妾有專心

法宣一首

和趙王觀妓

桂山留上客蘭室命妖嬈城中畫廣黛宮裏束纖腰舞
袖風前舉歌聲扇後嬌周郎不須顧今日管絃調

文秀一首

端午

節分端午自誰言萬古傳聞為屈原堪笑楚江空渺渺
不能洗得直臣冤

僧泚一首

北原別業

野外車騎絕古村桑柘陰流鶯出谷靜青草閉門深
學稼農為業忘情道作心因知上皇日鑿開松竹林

清尚二首

贈樊川長老

或作可止

瘦顏諸骨現滿面雪毫垂坐石鳥疑死出門人謂癡照
身潭入楚浸影檜生隋太白曾經夏清風涼四肢


哭僧

道力自超然身亡同坐禪水流元在海月落不離天溪
白葬時雪風香焚處煙世人頻下淚不見我師玄

智遲一首

律僧

瀘水與籠燈長長護有情自從青草出便不下堦行北
闕應無夢南山舊有名將何喻浮世惟指浪漚輕



唐僧弘秀集卷十